

COMUNU DE USEDDUS

Provìntzia de Aristanis

DELÌBERA DE SU CONSILLU COMUNALI

NUMERU 8 DE SU 14/03/2007

OGETU : Autorizatzioni cava ex L.R. n°30/89.

S'annu duamilaseti sa dì catòdixi de su mesi de martzu a s'ora de is ses de merì, in custa Sedi Comunali, s'est atobiau a pari su Consillu Comunali, cunvocau po lei, in sessioni straordinaria in prima convocatzioni in setzida pùblica, cun sa presentzia de is Sannoris Consilleris tocaus a custu Comunu e in càrriga:

ATZEI ADRIANO	P	PISU ELSA	A
SERRA MONICA	P	ORRU' LUCIA	A
ERBÌ CESARE	P	PISU GIANCARLO	P
ATZORI FELICE	P	ECCA ANDREA	A
ADDARI GIOVANNI	P	SERRA BRUNO	P
FLORIS GIULIO CESARE	P	SANNA ELIODORO	P
MINNEI IGNAZIA	P		

Nde risultant presentis n° 10 e ausentis n° 3.

Pigat sa presidèntzia s'Abog. ATZEI ADRIANO in calidadi de SÌNDIGU.

Partetzipat cun funtzionis consultivas, referentis, de assistentzia e verbalizatzioni (art. 97, comma 4, de su D.Lgs. n° 267/2000) sa Segretària SCALAS Dott.ssa MARIA BONARIA.

Su presidenti, atzertau su numeru legali, de crarat aberta sa chistioni de s'argomentu in ogetu, regulàrmenti iscritu in s'ordini de sa dì, e invitat is benius a pari a deliberai sa chistioni a suba ingitada, ponendi in antis ca, a suba sa proposta de custa declaratzioni anti nau ca giai:

su Responsàbili de su serbìtziu interessau (art. 49, c.1, de su T.U. n°267/2000)

sa Segretària Comunali (artt.49, c.2 e 97, c.4b, de su T.U. n°267/2000) po sa regularidadi tècnica.

SU CONSILLU COMUNALI

POSTU A IN ANTIS CA:

- In dì 13.11.2003, pr.n°5223, resultat arribada a su Comunu de Useddus una comunica de sa R.A.S. Ass.au de sa Industria – Serbitziu de is Atividades Estrativas – chi potat po ogetu “Crompimentu L.R. n°15 de su 09.08.2002 (art.8 comma 1) – Autorizatzioni cava a regimi de sghidura (po s’art. n°24 L.R. n°30/89) – Cava nomanada Giuali in su sartu de Villaverde e Useddus;
- In dì 12.12.2003, pr.n°5644, resultat arribada a su Comunu de Useddus comunica de sa Dita Sulis Sandrina, cun sedi in Villaverde in bia S.Sebastiano n°10 – chi tenit comentu a ogetu “Su mandai a in antis is paperis po su crompimentu privèdius dae sa L.R. n°15 de su 09.08.2002 (art.8 comma 1) – Autorizatzioni cava in regimi de sghidura (po s’art.n°24 L.R. n°30/89) – Cava nomanada Giuali in su sartu de Villaverde e Useddus;
- Si tratat de coltivatzioni de cava de anea e pedramini de pagu contu chi arruit in parti manna in su sartu de Villaverde e isceti in parti pitia in su sartu de Useddus in localidadi “Giuali”, su terrenu chi est in su Catastu de su Comunu a su F.18 map.8 mannu 5.245 m.cuadrus de calidadi seminativu de quarta classi;
- Po s’art. 42, comma 1 de sa L.R. n°30/89 benint posta in sarvu totus is atividades de coltivatzioni de cava chi resultant giai a ddui essi a sa intrada in vigori de sa L.R. n°15/2002;
- Sa parti de su territòriu comunali de Useddus e innui benit fata s’atividadi de coltivatzioni de cava dae parti de sa dita Sulis Sandrina, resultat posta in su P.U.C. de immui e in sa varianti a su P.U.C. pigat in possa dae su Consillu Comunali cun delibera de su C.C. n°34 de su 29.9.2006, in zona omogenea “E5, zona agricola marginali”, cun coltura agraria chi est in prus de totu a semina;
- Prus de totu su terrenu interessau dae sa atividadi de cava chi arruit in su territòriu de Useddus, resultat in su catastu sinnalau a su F.18 map.8, seminativu de quarta classi;

DONAU ATU CA:

- Sa zona tocada dae s’atividadi de cava, tratendisidda de zona agricola marginali, non tenit nixiunu balori in cantu s’atividadi fata ne is terrenus a giru est cussa tipica de sa semina e non si est in presentzia de unu padenti;
- Tratendisidda de atividadi chi ddui fuit giai a sa intrada in vigori de sa L.R. n°15/2002, s’atividadi benit fata sarva po s’art. 42 de sa L.R. n°30/89;
- Po s’art.20 de sa L.R. n°15 de su 09.08.2002 su Comunu de Useddus at provèdiu a sa regulari publicatzioni a s’Albu Pretoriu po 15 diis a partiri dae su 22.12.2003, de sa pregonta de si fai giai s’autorizatzioni po sghiri sa coltivatzioni de s’atividadi de cava, fata dae sa Dita Sulis Sandrina de Villaverde;
- Ca intra de is 10 diis chi sghint a sa publicatzioni a su albu de sa pregonta de autorizatzioni, non resultant arribadas cosas chi si tenit de nai opuru unus cantu contrariedades;

BIUS is elaboraus alligaus a su Pianu Urbanìsticu comunali chi nci at immoi e sa Varianti a su P.U.C. pigada in possa cun Delibera de su C.C. n°34 de su 29.09.2006;

BIU s’art.8, comma 1, de sa L.R. n°15 de su 09.09.2002 comentu modificau dae s’art.6 de sa L.R. n°13 de su 22.12.2003, chi prividit ca is tzedias minerarias e is autorizatzionis de cava point essi donadas dae s’ amminstratzioni regionali a pustis unu acordiu cun su Comunu territorialmenti cumpetenti espressu in cunformidadi cun sa pianificatzioni urbanìstica comunali, o in ausentzia de custa, a pustis delibera de su Consillu Comunali assuntada cun sa magiorantzia de is chi faint parti assinnaus;

BIDA sa nota de sa R.A.S. Assessorau de sa Industria – Serbìtziu de is atividadis estrativas, prot. n°2863/2007O.M. in dì 26/02/2007, chi invitat a su Comunu de Useddus a tzertificai sa cunformidadi de cussa atividadi a s'aina urbanìstica opuru no essenddoi custa, a bolli providi a nai a suba sa pregonta nomanada asusu, e a pigai in possa sa delibera consillari po s'art.8 de sa L.R. n°15 nau a suba;

BIDA sa relata de s'Ufitziu Tènicu de innui ndi essit a pillu ca, bidas is Normas de Atuatzioni e su R.E. alligaus a su P.U.C. de immui e a sa varianti a su P.U.C. pigada in possa cun delibera de su C.C. n°34/2006, sa autorizazioni pedida dae sa Dita Sulis Sandrina de Villaverde po su sboddicamentu de sa atividadi de coltivatzioni in cava de anea e de pedramini, in sa parti chi ferrit in su sartu de Useddus, resultat posta in zona "E5 zona agricola marginali", anca non benit permitia s'atividadi de coltivatzioni de cava e duncas, a su stadu atuali, su interbentu pediu non resultat cunforma a is ingitus chi ddui funt in s'aina urbanìstica de immui;

CUNSIDERAU comentu si siat ca s'area in chistioni resultat spollita e chena nixiunu balori ambientali e produtivu, e nudda ostat a su scerai in sa zona omogenea narada acoa "E5 de su P.U.C. Comunali", de sa atividadi de coltivatzioni de cava de anea e pedramini, posta in su territòriu de Useddus in localidadi "Giuali" giai esistenti in su cunfinanti territòriu de Villaverde, chi serbit po si fai donai acoa sa autorizazioni apostada dae parti de sa R.A.S.;

CRETIU po tanti depi andai a in antis narendi ca giai a su scerai in s'atuali zona "E5, agricola marginali", sa atividadi de coltivatzioni de cava estrativa giai pratigada dae sa Dita Sulis Sandrina, in zona cunfinanti posta in su Comunu de Villaverde, bisongiosu po su fai donai a pustis sa autorizazioni apostada dae parti de sa R.A.S. Assessorau de sa Industria, Serbìtziu de is Atividadis Estrativas, comentu privèdiu dae s'art. 8, comma 1, de sa L.R. n°15 de su 09.08.2002, comentu modificau dae s'art. 6 de sa L.R. n°13 de su 22.12.2003;

TENTU su nai ca giai dae su Responsàbili de su Ufitziu Tènicu ex art.49 de su TUEL;

Cun votazioni fata de totus in pari fata a biri e po ampuada de manu

DELÌBERAT

Su chi est steti nau in antis fait parti intera de custu deliberau;

DE nai ca giai a scerai in sa atuali zona "E5, agricola marginali" de su P.U.C. comunali sa atividadi de coltivatzioni de cava estrativa giai pratigada dae sa Dita Sulis Sandrina, in zona cunfinanti posta in su sartu de su Comunu de Villaverde, bisongiosa po si fai donai acoa sa autorizazioni apostada dae parti de sa RAS Assessorau de sa Industria, Serbìtziu de is Atividadis Estrativas, comentu privèdiu dae s'art.8, comma 1. de sa L.R. n°15 de su 09.08.2002, comentu modificau dae s'art. 6 de sa L.R. n°13 de su 22.12.2003, in cantu non nci at immui cunformidadi de s'atividadi cun sa pianificazioni comunali;

DE donai atu ca tali delibera, essendi de numeru de doxi in prus a su sindigu is consilleris tocaus a custu Enti, est stetia pigada cun su nai ca giai de n°10 de is chi nci funt de is chi faint parti, custu gosada a sa previsionis chi ddui at in s'art.8, comma 1, de sa L.R. n°15 de su 09.08.2002, comenti modificau dae s'art.6 de sa L.R. n°13 de su 22.12.2003, chi tocat in custu casu fai una delibera de su Consillu Comunali pigat a maggiorantzia de is chi faint parti assinnaus;

DE donai atu ca fai parti intera de custa delibera sa carta topografica anca est scerada s'area innui ddui at s'atividadi de cava.

BIU S'ACUITU, cun votazioni fata a parti, totus in pari, benit decrarada sa presenti luegu eseguibili segundu s'art.134, c.4 de su D.Lgs 18/08/2000 n°267;

Custu Verbali benit firmau comenti sighit:

Su Sìndigu at firmau
(*Abog.ATZEI ADRIANO*)

Sa Segretària at firmau
(*SCALAS Dott.ssa MARIA BONARIA*)

Su sutaiscritu, bius is atus d'ufitziu
Reg.n°131

ATESTAT

Ca custa delibera est stetia apicada a s'Albu Pretoriu Comunali sa dì 19/03 de su 2007 po ddui abarrai quindixi diis a fatu e pari (art.124, c1 de su T.U. 18/08/2000, n°267)

De sa Residèntzia Comunali,innia 19/03/2007

Sa Segretària Comunali at firmau
(*SCALAS Dott.ssa MARIA BONARIA*)

Su sutaiscritu, bius is atus d'Ufitziu

ATESTAT

Custa delibera est diventata esecutiva su..... segundu s'art.....
De su T.U. 267/2000

De sa Residèntzia comunali, innia

Sa Segretària Comunali at firmau
(*SCALAS Dott.ssa MARIA BONARIA*)

De potai a:

- s'Ufitziu Tènicu
- s'Ufitziu Amministrativu
- s'Ufitziu Cuntabili
- s'Ufitziu Vigilanza
- s'Ufitziu Serbìtziu Sotziali
-
-
- R.A.S.

De sa Residèntzia comunali, innia

Sa Segretària Comunali at firmau
(*SCALAS Dott.ssa MARIA BONARIA*)